



Universitätsbibliothek Paderborn

**Vita P. Iacobi Laynis Secundi Societatis Iesv Generalis
Alphonsi item Salmeronis Vnius in primis decem Socijs**

Ribadeneyra, Pedro de

Coloniae Agrippinae, 1604

Collegia item in Italia, & Germania constituta. Cap. 4.

urn:nbn:de:hbz:466:1-11740

cijs, beneficentia matronarum nobilium Teresiæ, Quinnones, Comitis Motis acui, & Leonoræ Vegæ Ioannis Vegæ sororis (qui consilij Castellæ regni præses fuit :) filij item ipsius Sueri. Socijs primis hic præfuit, ut in Annalibus comperi, Petrus Saabedra.

Collegia item in Italia & Germania constituta.

CAP. IV.

Neque cæteræ hoc bono Provinciae perpetuo caruerunt. Foro Iulii enim, quod Italiæ, Cæsenam inter & Fauentiam oppidum est, sacerdotum sedibus ædem edificare animum induxit Petrus Aliotus Episcopus ad annum Christi 1558. Additum idem truscæ tum prouinciae Collegium post loci vicinitatisq; commodo, Insbrum, vulgo Lombardiæ prouincia ad numerari coeptum.

In Germania Augustæ Vindelicorum societati, quam vnice complexus est, Otho Truchses Cardinalis, &

1558.

lis, & Episcopus illustri loco natus,
 Collegium construendum curauit
 anno 1559. Vt tamquam murum hæ-
 reticorum furori , qui iam rerum
 publicarum pernicie gliscere cœ-
 perat, obijceret: nutantesque in au-
 ta religione confirmaret ; lapsos ad
 sanam mentem traduceret. Accitus
 e nomine Petrus Canisius , Neo-
 magensis , societatis Theologus. Is
 assidue concionando, hortando, do-
 cendo , vsque eo rem Christianam
 promouit , vt hæresi valere iussa,
 complures, qui pestiferarum opinio-
 num æstu abrepti præcipitarant, re-
 uocarit. Varijs post tempestatibus,
 tamquam nauj , in amplissima illa
 Rep.iactati socij , dum nihil inten-
 tatum hæretici relinquunt , in om-
 nesque sese vt solent , formas ver-
 tunt , quo nostros gradu deiçiant,
 atque deturbent: fixam sedem Dei be-
 neficio tenuerunt. Qua in re & Fug-
 gerorum illustris familiæ fides , di-
 ligentia, ac liberalitas enituit. Mo-
 nachij etiam, quæ summorum Ducum Ba-
 variae sedes est, Albertus eo ipso anno

1559.

1559.

E 4 Colle-

Collegium alterum excitare à fundamento constituit, qui iam Ingolstadiensem Academiam socijs attribuerat, quo sese hæreticorum circū circa audaciæ, atque calumnijs opponerent. Singulare enim eius familiæ studium in societate semper existit; quod & Gulielmus Dux non solum retinuit, sed etiam incredibiliiter auxit: præcipua sane in Religionem maiorum propensione, ac zelo ductus: quo & armis, ferroq; lupos, ne in gregem piorum grassentur impune, à finibus arcet. Perspecta itaque pridem Alberto sociorum fide, ac vigilantia, & labore alteras sua manu ad L A Y N E M litteras dedit, a. d. V. Kal. Quintilis, (quæ in commentarij sunt, & in manibus habentur.) & humanitatis refertæ, & honorificæ in socios benevolentiae notis aspersæ. Rogat socios plures, tamquam fessis recentes submittat, qui aciem priorum instaurent; hostes verbi Dei gladio ancipiti acriter oppugnent, quæ concionando, quæ confitentibus aures dando, quæ denique hæreticorum

cela

tela retorquendo, ac refellēdo. Quin & iuuentutem, Reip.neruos, & semi-naria, non litteris duntaxat & disciplinis, sed quod rei caput est, optimis etiam imbuant & moribus, & institutis. Addito ad hæc elogio, in eam se spem venisse, fore, vt aliquando, Deo bene iuuante, sociorum opera, fides, Religioque maiorum apud suos, omnesque adeo Germanos locum tuere-tur suum, & in pristinum decus re-uocaretur.

In Sardiniam socij penetrant.

CAP. V.

DVM hæc in continente geruntur, in Sardinia quoque regno insula maris nostri, societatis nomen famaq; increbuit: quod diuina quadam prouidentia factum arbitror. Alexius enim Fontanus Sardus, domi clarus, & locuples, Quæstor item regius, patrij soli vicē, vitijs abundantis, miseratus, affecta iam ætate moriens testamento legarat bona, quæque ex illis pecunia redigi possent,

E s Saxari,